

Et riens ne font qui soit par ordre
 Mais tous sont remplis de discorde
 Leur pensee folle et legiere
 Les tournent a folle maniere
 Et si leur met deuant leurs yeulx
 Erreurs et troubles nubileux
 Et par leurs iniques tumeurs
 Deturpent leurs vertus et meurs
 Et demeurent plains de betude.

ff. de tuto. 2
 cura. l. scire
 oportet

Mais celui qui met son estude
 A soy de bonnes meurs remplir
 Sans aucun vil cas accomplir
 En conuertant par douce audace
 Il demourra tousiours en grace
 Du peuple dont est fort loue
 Et ce quil fait est aduoue
 Comme homme plain de saigesse
 De sens. aussi au saige esse
 La douce grauite conioindre
 A bonnes meurs sil veult se ioindre
 A honneur et prosperite.

Saplen. vi.
 Psal. x.

Car ainsi quil est recite
 Par les sages plains de prudence
 Commence nostre sapience
 A bonnes meurs et bonne vie
 Et par crainte nul ne denie
 De bien non fait il pas par honte
 Car cest celle qui tout mal dompte.

Probite constance vertuz
 Dont mains iadis furent vestuz
 Font louer les gens en ieunesse
 Et clarifier en viellesse.

Et aussi par qui associe
 Telles vertuz remplist la vie
 Des humains de tout reconfort
 Et leur fait auoir bonne mort.

De lesion d'amicie.

Dieu erige tes oreilles
 Entens a ce que lon te dit
 Se tu ne veulx estre mausdit
 De dieu ne fault pas que le iuste



Qui fait iniustice et greuanche
 Contre raison et equite
 Et exerce force et puissance
 En lomme plain de humilite
 Par sa mauuaise iniquite
 La fosse du tombeau compose
 Et de bien faire ne dispose

Fol cruel felon et malin
 Est cil qui tousiours est enclin
 A destaindre par sa puissance
 Ses subgetz qui ne font nuyfance
 Et opprime les innocens
 A tort sans raison et bon sens
 Par extortions non pareilles

Dieu erige tes oreilles
 Entens a ce que lon te dit
 Se tu ne veulx estre mausdit
 De dieu ne fault pas que le iuste

Sicut noxi
 us est q mit
 tit sagittas
 et laceas in
 mortem. ita
 vir qui frau
 dulens nocet
 amico suo
 puerbioru
 xxvj.
 Saplen. v.

Eccle. xi.